



Broj predmeta: 13-000575/21
Broj akta: 01.1-1413EK-0038/21
Datum, 21.7.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH – prečišćeni tekst («Službeni glasnik Brčko distrikta BiH»), broj: 22/18, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda broj: 13-000575/21 od 11.05.2021.godine, Izmjene i dopune zapisnika o pregledu i ocjeni ponuda broj: 13-000575/21 od 09.07.2021.godine, Prijedloga Komisije za javne nabavke broj: 13-000575/21 od 14.07.2021.godine, kao i Mišljenja Pravobranilaštva Brčko distrikta BiH broj: M-575/21 od 21.07.2021.godine, gradonačelnik Brčko distrikta BiH d o n o s i

ODLUKU O IZMJENI I DOPUNI ODLUKE O IZBORU NAJPOVOLJNIJEG PONUDAČA

BROJ: 13-000575/21, BROJ AKTA: 01.1-1413EK-0023/21 OD 31.05.2021.GODINE

Član 1.

U članu 1. Odluke o izboru najpovoljnijeg ponuđača po provedenom otvorenom postupku za javnu nabavku radova na izgradnji javne rasvjete u MZ Ilička, MZ Rijeke, MZ Krepšić 1, MZ Krepšić 2 i MZ Seonjaci – 5 lotova, za potrebe Odjeljenja za komunalne poslove Vlade Brčko distrikta BiH, mijenja se naziv najpovoljnijeg ponuđača i vrijednost ugovora za sve lotove i sada tekst glasi:

„Naziv najpovoljnijeg ponuđača za lot 1, 3 i 4 je „ENERGO SISTEM“ d.o.o. Brčko.

Lot 1 - „Izgradnja javne rasvjete u MZ Ilička – ulica iza autopoligona i parkiralište kod prodavnice “Autorad”

Vrijednost ugovora sa uračunatim PDV-om iznosi **13.469,63 KM.**

Lot 3 - „Izgradnja javne rasvjete u MZ Krepšić 1 – Novo Naselje“

Vrijednost ugovora sa uračunatim PDV-om iznosi **3.150,81 KM.**

Lot 4 - „Izgradnja javne rasvjete u MZ Krepšić 2 – ulice kod Osnovne škole i mjesne zajednice Krepšić 2“

Vrijednost ugovora sa uračunatim PDV-om iznosi **4.814,55 KM.**

„Naziv najpovoljnijeg ponuđača za lot 2 i 5 je „CONRAM“ d.o.o. Brčko.

Lot 2 - „Izgradnja javne rasvjete u MZ Rijeke – ulica Rijeke IV“

Vrijednost ugovora sa uračunatim PDV-om iznosi **6.318,00 KM.**

Lot 5 - „Izgradnja javne rasvjete u MZ Seonjaci – lokacije: k.č. 3243 KO Donja Skakava i kod dječijeg igrališta“

Vrijednost ugovora sa uračunatim PDV-om iznosi **3.664,44 KM“**

Obrazloženje

U provedenom otvorenom postupku za nabavku radova na izgradnji javne rasvjete u MZ Ilička, MZ Rijeke, MZ Krepšić 1, MZ Krepšić 2 i MZ Seonjaci – 5 lotova, za potrebe Odjeljenja za komunalne poslove Vlade Brčko distrikta BiH gradonačelnik Brčko distrikta je donio Odluku o izboru najpovoljnijeg ponuđača broj: 13-000575/21, broj akta: 01.1-1413EK-0023/21 od 31.05.2021.godine kojom je za najpovoljnijeg ponuđača za lotove 1, 2, 3, 4 i 5 izabran ponuđač „Nexen“ d.o.o. Banja Luka. O donošenju odluke o izboru svi učesnici u postupku javne nabavke obaviješteni su dana 07.06.2021. godine. U skladu sa odredbama tenderske dokumentacije, te obavještenja koje je

dostavljeno ponuđačima uz odluku o izboru, izabrani ponuđači su bili dužni u roku od 7 dana dostaviti potrebnu kvalifikacionu dokumentaciju, a u roku od 15 dana dostaviti zahtijevano Rješenje o ispunjenju uslova za obavljanje djelatnosti koja je predmet nabavke u skladu sa članom 12. tačka f) Pravilnika o ispunjavanju uslova pravnih lica za izradu tehničke dokumentacije, reviziju tehničke dokumentacije, građenja i nadzora na području Brčko distrikta BiH, te ličnu licencu za lice koje je navedeno u ponudi da će biti angažovano na izvođenju radova. Dana 11.06.2021. godine ponuđač „Nexen“ d.o.o. Banja Luka je dostavio zahtijevanu kvalifikacionu dokumentaciju. Dana 11.06.2021. godine ponuđač „Nexen“ d.o.o. Banja Luka je dostavio traženo Rješenje koje glasi na pravno lice DESKinžinjering d.o.o. Banja Luka uz navode da će navedeno lice biti angažovano kao podugovarač u skladu sa navodima iz ponude ponuđača „Nexen“ d.o.o. Banja Luka. Analizirajući tendersku dokumentaciju, ponudu, Zakon o prostornom planiranju i građenju i Pravilnik na osnovu kojeg se izdaju rješenja za djelatnosti građenja, odnosno izvođenja pojedinih radova u Brčko distriktu BiH, Komisija je ustanovila da se navedenom ponuđaču Nexen d.o.o. Banja Luka ne može dodijeliti ugovor zato što nije dostavio Rješenje o ispunjavanju uslova za obavljanje djelatnosti građenja elektroenergetskih objekata u skladu sa Članom 12. tačka f) Pravilnika, a koji je tražen tenderskom dokumentacijom. Ponuđač je u ponudi naveo da ima namjeru vršiti podugovaranje "za dio građevinskih radova u iznosu od 20%". Za tih 20% građevinskih radova je dostavio Rješenje kojim dokazuje da podugovarač ispunjava uslove iz Člana 12. tačka f) Pravilnika (i to je sasvim ok) ali ponuđač „Nexen“ d.o.o. Banja Luka nema, odnosno nije dostavio Rješenje za preostalih 80% građevinskih radova koje namjerava kao ponuđač da uradi. Samim tim ponuđač nema, odnosno nije dostavio Rješenje ni za preostali dio radova koji se odnosi na elektromontažne radove. Obzirom da navedeni ponuđač ne ispunjava uslove (nije dostavio Rješenje po članu 12. tačka f) Pravilnika), te na osnovu člana 87. Zakona o prostornom planiranju i građenju Brčko distrikta BiH, navedeni ponuđač ne može izvoditi radove u Brčko distriktu BiH te mu se ne može dodijeliti ugovor. Obzirom na sve gore navedeno Komisija je nastavila postupak ponovne analize ponuda razmatrajući ponude drugorangiranih ponuđača na lotovima 1, 2, 3, 4 i 5. Komisija je, nakon izvršene e-aukcije, ustanovila da su vrijednosti drugorangirane ponude na lotu 3 veće od procijenjene vrijednosti nabavke te je u skladu sa time traženo izjašnjenje od Odjeljenja za komunalne poslove o prihvatljivosti najpovoljnije ponude za navedeni lot, a obzirom na procijenjenu vrijednost i raspoloživa sredstva za finansiranje javne nabavke. Od strane Odjeljenja za komunalne poslove dostavljeno je izjašnjenje u kojem se navodi da raspoložu sredstvima za realizaciju navedene nabavke i da se može nastaviti sa procedurom dodjele ugovora za navedeni lot. Na osnovu svega navedenog, Komisija je sačinila Izmjenu i dopunu zapisnika o pregledu i ocjeni ponuda i dala preporuku da se ugovor dodijeli drugorangiranim ponuđačima u postupku nabavke i to za lotove 1, 3 i 4 ponuđaču „Energ sistem“ d.o.o. Brčko i za lotove 2 i 5 ponuđaču „Conram“ d.o.o. Brčko. Sastavni dio ove odluke čine Zapisnik o pregledu i ocjeni ponuda, kao i Izmjena i dopuna zapisnika o pregledu i ocjeni ponuda.

Član 2.

Ova odluka stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Odjeljenju za komunalne poslove,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.



Esed Kadrić

Kadrić